

集沙門不應拜俗等事卷第四

縣八

唐弘福寺沙門釋彥悰纂錄

議不拜篇第二

議

中御府少監護軍高藥尚等議狀一首

內侍監給事王泉州博士胡玄亮等議狀一
狀八

奉常寺丞劉慶道主簿郝處傑等議狀一
首

詳刑寺丞王千石張道遜等議狀一首

首

司稼寺卿梁孝仁太倉署令趙行本等議

狀一首

外府寺卿韋思齊主簿賈舉等議狀一首
繕工監太監劉審禮監作上官突厥等議

狀一首

司成館大司成令狐德棻等議狀一首
司成寺館守宣業范義頤等議狀一首

左衛大將軍張延師等議狀一首

右衛長史崔修業等議狀一首

左驍衛長史王玄策騎曹蕭灌等議狀一
首

首

左武衛長史孝昌縣公徐慶等議狀一首

右威衛將軍李晦等議狀一首

左戎衛大將軍懷寧縣公杜君綽等議狀

一首

萬年縣令源誠心等議狀一首

長安縣丞王方則崔道默等議狀一首

沛王府長史皇甫公義文學陳至德等議

狀一首

左金吾衛將軍上柱國開國侯權善才等

議狀一首

右奉宸衛將軍辛弘亮等議狀一首

右春坊主事謝壽等議狀一首

馭僕寺大夫王思泰丞牛玄璋等議狀一

周王府長史源直心叅軍元思敬等議狀

二
狀八
首

中御府少監護軍高藥尚等議狀一首

法本沖寂非有名言至道希夷故無聲教三

千大千之境小智未能揆其源恍兮惚兮之

中巨賢無以究其理但釋老二氏挺大聖之
安慧光塵外超然物表短三衣之拂石促四
海之傾毛談寂滅之宗說有無之教門開方
便演十二之因緣道誘多途述五千之廣說
敬順則逍遙六度忽忘則苦海長流故去髡
髮而就桑門釋素衣而紉繙服冀登彼岸出
此愛津父母貴其容王侯重其戒此即君親
道闡去俗絕塵三百之禮不拘五侯之位無
羨未可數茲俗訓勵以風儀拜首私庭稽頴
公室請循舊貫於愚爲允謹議

內侍監給事王泉博士胡玄亮等議狀一首
竊以耆山闡化泛幽津而鼓搥碧落垂訓趣
真境而揚言德總四天挺教殊乎俗檢義均
一指資敬異乎常倫故致禮堅林至理與恒
情別統屈身河上玄功共即事已乖是知繙
服黃冠非闢庭之飾禪林洞府豈臣子之榮
至於功深利益道備弘誘列三乘之旨則理
極四生示五千之文則言包萬象執慧刀而
割煩惱棄有欲而習無爲存沒仰其舟航動
植資其含養性相非研機所盡希夷豈探牘

所窮況乃轉法輪以翼帝功則功濟塵劫淳真氣而基聖道則道冠混元蕩乎大平固無得而稱矣今欲獎同名教令依俗禮綸言既降誰不曰宜竊恐高尚之風因斯遂往玄妙之理流宕忘歸伏惟陛下愛敬隆於百王德教敷於四海凝神體物弘道為心何必約此二門混同真俗之路限茲兩教亂彼默語之途戒律既異於恒科跪拜豈通於常禮因循之跡請依恒軌謹議

奉常寺丞劉慶道主簿郝處傑等議狀一首

夫孝養所以事親髮膚為立孝之始敬忠所以奉上跪拜申資敬之容此固仰究天經俯窮人理至夫真如寂滅言行俱盡玄妙希夷窅冥難測陛下恢弘正道闡闢妙門興彼法徒膺茲冥祐然而教非域中之政形乃方外之儀衣異國容身無首飾何以參揖紳於下拜廁笄總而長跪愚謂紹法象賢可以朝不屈節毀形自絕可以家無降禮且同巢許之流有益勛華之盛付囑之託因循為善既奉明勑敢陳正議謹議

詳刑寺丞王千石司直張道遜等議狀一首
竊惟君臣契重忠孝之義本隆父子恩深愛
敬之情攸切存日用之理荷生成之大受其
蔭者宣有忘其德餐其惠者寧有關其禮斯
固在三隆訓盡一垂範乃理叶神秉義符聖
詔然而域內之法與老釋殊制方外之軌共
四
堯孔異轍筌蹄不能喻性相兩亡小大所不
拘天地齊一不以色養爲孝不以棄親爲疑
神道經久此而莫止尋其要旨亦有助化故
詭服無點彝章毀形不傷教義超出塵之表

紛然不羈之賓沖而無替疑爾圓湛雖因果
難了至理窅冥若存若亡因循自昔往者釋
遠著論晉庾息談與其慢也寧崇其敬今若
尊其道而毀其法要其福而屈其身是使鳴
錫趨劒珮之容捧鑪端簪笏之禮繙素並列
敬施雙行斯則袈裟忸金翅之威鉢盂慙呢
龍之術其爲教也安所施乎遜等預忝薦蕘
言非可擇輒申愚管伏深戰懼謹議
司稼寺卿梁孝仁太倉署令趙行本等議狀
一首

佛道之興其來尚矣自白光東照紫氣西浮莫不遵彼五千宗茲二教無爲寂滅同樹勝因而僧尼道士女冠趨承訓典其爲教也裨濟實多歷覽前修非無去取所以同遵不拜良或可觀至如道之爲宗皇基由漸尊嚴之切有異恒倫朕宣可改作別儀俯隨常俗因循不拜理謂爲允謹議

五
外府寺卿韋思齊主簿賈舉等議狀一首
竊以臣子跪拜固是常規爰在禮經兼有權制母拜其子以禮成人不臣其臣以遵其德

況方外之教爲善不同道有凌虛佛無生滅修心練行因果是憑名曰出家明超俗表咸言勝業歷代俱尊盛立道場皆求常樂獻若親以廣福濟含識於冥塗久大而論高於俗教若同儒例還入俗流不尚學徒無由顯道賴有崇護道獲常存不拜之儀以彰深護尊道之本取益爲宗今據經文云拜非益利人益國實所宜言非益之文何容敢進循法仍舊無闕彝章體妙窮深非下能及幸露芻蕘議敢竭愚誠懼不合宜追深戰灼謹議

繕工監太監劉審禮監作上官突厥等議狀

一首

僧尼

一竊見王者尊敬神祇神祇之類尊佛弟子是以明其遠敬尊其所尊抑從拜禮愚謂未

可

一比見官人承詔不拜王師非是師賤下人乃以敬其王教出家僧衆染衣除髮異俗標形承佛綸言爲國崇福君父致敬不禮其身僧披法衣不拜君父

一竊見神像所立因人作形形已作成人還反敬豈以因人所立則不致尊若不致尊立之何用佛以遺教付囑國王王之所立王還尊敬如王不敬立之何益

道士女冠卷六

竊見承先代之後者立居百王之上道士等身披老君之法服口傳老君之法言同俗致拜恐乖其禮謹議

司成館大司成令狐德棻等議狀一首
竊以釋老二教慈敬弘深有國因循遂開崇

尚既久其法須從其道竊謂拜伏理恐未通
何者削髮異冠帶之儀持鉢豈樽俎之禮申
恩方祈定慧無勞拜跪嚴親報德有冀真如
何必屈腰慈后山林既往非復廊廟之賓朝
野裁殊理宜高尚其事今使責以名教有虧
其旨臣等愚暗請從不拜爲宜謹議

司成寺館守宣業范義頽等議狀一首

臣聞至道沖虛般若玄寂在人則人尊在處
則處貴故河上仙老降劉后之高雞岫名僧
屈輪王之重是知斯風久扇千載同遵謹案

梵網等經出家人法不向國王父母禮拜至
如傳儒業者尚與君王分庭抗禮孫爲祖尸
嫡胤冠祚父母猶拜其子爲傳重也當今聖
主法唐虞之揖讓任巢許之不臣超漢帝之
寬仁縱四皓於方外豈況受付弘宣闡揚玄
教既許出家理宜隔俗忽遣朝拜誠所驚疑
第八
用人廢法愚謂未可且禮云介者不拜爲其
失容節也去俗之人身被忍鎧今同俗跪翻
貶朝儀忝職上庠謬參賢館沐恩既重敢罄
謾聞謹議

左衛大將軍張延師等議狀一首

竊以老氏玄奧發揮衆妙之門釋教凝寂瀟
灑出塵之境自夫金容東度真氣西遊挹道
希風縣區浹域聖朝撫運茲道彌隆仁祠法
宇麗充都邑寶幢金刹彩絢路衢凡此憑奉

庶爲資益兼存其教竊謂可通謹議

右衛長史崔修業等議狀一首

李釋二教旨趣幽深理絕名言功超意表道
以清淨爲主佛以拯物爲宗然舍生者以爲
津梁有形者將爲彼岸故河上屈文帝之貴

劫是故黃冠既變緇服纔露人主不屈而臣
父母不子而畜此乃尊於佛道非是虧於禮
儀拜揖者何損於身但恐虧於聖教必也形
神雙遣拜揖兩忘均然同彼天真無煩貌屈
既未窮於性相便是若存若亡理須成此勝

因遂其高尚況今聖上欽明孝臨天下尤遵二教資助福田所以道士道人許其不拜且遣拜甚易不拜甚難足使襄野幼童不獨善於軒帝河上老叟無專美於漢皇千慮一得不拜爲允謹議

左驍衛長史王玄策騎曹蕭灌等議狀一首

自佛教之興始於天竺臣經三使頗有見聞臣聞輸頭檀王是佛之父摩訶摩耶是佛之母僧優波離者本王家僕隸王親遍禮敬同於佛臣又見彼國僧尼法不拜諸天神祠亦

不拜君王父母君王父母皆禮僧尼及諸道衆臣經難彼僧曰此之僕隸始落髮披緇殊無所識即令君父致敬大不近人情僧對曰雖初剃髮形已同佛復能震動魔宮雖曰無知豈不如泥木泥木一立爲主像縱博通貴勝得不敢敬僧不拜俗亦已明矣

臣又親難彼僧曰維摩經比丘亦禮維摩詰足法華經僧行普敬此二經文拜俗明矣何因比丘得不拜尊者僧曰佛制律經乃是僧尼常執其維摩經比丘荷法暫行曲禮法

華經大士一時別行何得以權時別行亂茲
恒典臣深然之臣聞妻死鼓盆環屍而歌此
亦一時別行豈得預於喪服之制

一臣於天竺經禮天像彼王乃笑而問曰使

味八

九

等並是優婆塞何因禮天臣問所由答曰此
優婆塞法不禮天昔迦膩色迦王受佛五戒
亦禮天像像皆倒地後至日天祠事天者恐
王至禮天像倒遂將佛像密置天頂王三禮
不倒王恠令檢於天冠內得一佛像王甚大
喜歡佛神德嘉其智慧大賞封邑至今見在

又云有外道受佛五戒但供養天祠而不頂
禮王責不禮之罪白王曰小子豈敢辭禮禮
恐損天王曰天損不關你事彼即禮拜天像
遂碎五戒優婆塞尚不得禮天況具戒僧尼
而令拜俗臣玄策言臣聞百王布軌但禮制
於寰中大覺垂教乃津梁於域外莫不資真
人以易俗賴高僧而移風遂得謐四海之波
濤脫三界之塵累故漢帝不屈於河上輪王
遍禮於沙彌此則道俗殊塗豈得内外同貫
教許黃冠之輩遊一道於寰中緇衣之徒駕

五乘於方外因循既久助化益深草偃風行
其來尚矣臣聞聖人無常師以主善者爲師
聖人無常心以百姓心爲心兆庶曩昔敬信
歸依今議令拜君父寔乘生善百姓之心況
袈裟異華俗之服髡削非章甫之儀崇之則
福生卑之則罪積共知拜君無益於國拜父
不利於親臣如寢默不言豈得爲忠爲孝臣
望隨舊軌請不改張同太宗文皇帝故事依
前不拜謹議

右武衛長史孝昌縣公徐慶等議狀一首

竊以三綱之重義極君親百行之先寔資敬
愛而黃冠緇服咸均亭育之恩謁帝奉親頓
虧臣子之敬本乎教義頗系彝倫解而更張
抑爲通允然則道樞遂曠出乎名言之外慧
輪廣運超乎心行之表經行之侶庇白馬而
栖禪繕性之流佇青牛而警契雖迹羈有待
禁
而利涉無涯誠宜重其道而崇其教尊其人
而異其禮是以河上真人親紓漢后之蹕廬
山慧遠竟絕晉臣之議況復出家殊致顯昧
異塗羽帶田衣既匪朝宗之服乘杯負局寧

同就養之方致敬之儀未為盡善若以道雖可尚而處非其人則宜峻彼隄防甄其律行不可以人屈道誠可以道勵人伏以皇家發慶肇自猶龍之德宸居體寂每崇靈鷲之風不革前規彌光尊祖之義儻違舊制便曠師臣之禮天渙下覃俯令詳議竊懷管見輒肆芻詞用檢之宜非敢取衷謹議

右威衛將軍李晦等議狀一首

原夫指樹揭祥警龍德於皇胄蹈花標瑞抗輪寶於宸儀創跡毗城包紫宙而開宇疏基

厲壤貫青曠而闡耀故能抑揚庶類控引羣靈十地閑安趨紺殿而希果九天凝夏佩玄珠而問津由是著美皇猷馳芬帝載繙服齊裾於上輦黃冠接武於中州宴坐經行道不參於廊廟登壇執簡迹未齒於朝宗今欲約以儒門牽於王制儀育纓冕法符簪笏便是貴其道而賤其人申其教而屈其禮禮隨教顯人由道尊固可以道廢人不應以禮虧教誠宜疇咨故實軌範舊章俾夫高尚之風昭明易象隨時之義允洽既心但燭燎螢翻豈

增華於日月塵霏露委希縹美於山河冒進
謗言輕陳輿頌詞踈理憎汙驚神悚謹議

左戎衛大將軍懷寧縣公杜君綽等議狀一

首
竊以至道沖虛釋教凝寂津梁庶品導引羣

生銷鄙行於未萌發慈心於已悟然而後身
濟物雖假於名言勸善懲非無資於賞罰信
乃善開方便冥助政道伏惟皇帝陛下德合
乾坤恩霑動植含靈薰氣俱荷曲成僧尼之
屬誠宜拜跪但不拜君父著在經文臣以爲

道或可存則言不可廢且君父尊極事絕擬
倫在於臣子敬非緣拜既殊道俗無嫌傲誕
以臣愚見不拜爲宜謹議

左金吾衛將軍上柱國開國侯霍善才等議
狀一

竊以釋道二門津流自遠求諸典實崇敬斯
弘至若皇繫所宗寔光華於萬祀漢室惟啓
亦紛郁於千載且君親在三儒有不臣之禮
玄寂居二制無揖拜之儀義不師古請循惟
舊謹議

右奉宸將軍辛弘亮等議狀一首

釋老二門教周四海源流自久弘益已深故
申愚見仍舊是為允謹議

右春坊主事謝壽等議狀一首

一勅云君親之義在三之訓爲重愛敬之道

凡百之行攸先者此實先王之要道也今請

禮無損於國也

一勅云宋朝暫革此風少選還依舊貫者自
出家之異在家則依乎外教服先王之法服
順先王之法言上有敬親事君之禮下有妻
子官榮之戀此則恭孝之躅理叶儒津出家

則依乎內教服諸佛之法服行諸佛之法行
上捨君親愛敬之重下割妻子官榮之戀以
禮誦之善自資父母行道之福以報國恩既
許不以毀形易服爲過宜其責以敬親事君
之禮異乎孔老之教所以理絕常境不抑拜

敬重號爲福田故佛告憍曇彌莫供養我當供養僧此則大聖誠言理不可棄如其佛語可棄請總除廢豈容存之欲求其福辱之而責其拜禮也伏惟太宗文皇帝聖智則無所不達神威則無所不伏于時僧衆豈不易令跡八跪拜故以佛法可敬長其容善又恥好異亂十一

常之迹故不爲也但願近依先朝聖化之道遠棄晉宋邊鄙之法則萬古不悖道俗心安矣

比見普天之下俱行孝道親在則盡心色養親歿則追思遺迹者皆稟陛下至孝之道也今忽改棄先朝正淳之軌遠慕晉宋矯異之風今僧等雖復暗昧竊爲陛下不取也伏願追思先迹還依貞觀之法此則至孝之道不化而自行矣

一勅云連河之化付以國王裁制之由諒歸斯矣臣竊尋付囑之意恐不如此何者佛以像法末年淳心漸薄邪見增長正法衰替四部之衆無力弘宣是以付囑國王令王擁護

一勅云朕稟天經以揚孝資地義而宣禮者

如其王者不護法當衰沒自壞宣勞付囑令
王毀壞今僧徒雖復凡鄙而容儀似佛使之
跪拜還如佛拜

一至於此則存之無益且失去好異順大同
者君子之道也故先朝云以人從欲亂於大
道君子所恥此風未遠伏願依行

人或問曰經中既說新學比丘禮維摩詰足
不輕菩薩亦致敬於慢衆況今聖主示爲白衣
神德則不謝於維摩立行則不同於慢衆
今使僧拜正合其宜更有何辭敢不從順答

不可以一人別行而亂於大教若以比丘頂
禮於居士則今五衆設拜於君親俗人有居
母喪而不哀豈使天下喪親而不哭至如莊
周對婦屍而歌樂知存歿如四時孟孫居母
喪而不戚達死生乎一貫此皆體道勝軌何
不令天下俱行若以體道之情不可施於國
法者彼亦證理之行豈得施於大化之議風
也夫議者蓋欲取其大理以成畫一之法三
教之法即國王法其法既成終天不易若不行
用則須除廢若功用之必須述其教跡昔

聞帝王禮佛未見佛禮帝王所以帝王敬法

服者以先聖國王受佛付囑歷代尊承佛教故也

父母敬其袈裟不可屈其佛衣招父母

之過自古帝王度人出家去其鬚髮與其佛

衣不拘常俗今作道士師敷演法教而作福田

若今其禮拜則屈其尊服付囑之義安在今欲改變恐昧理之流心有疑惑因生其過譬

由敬泥龕木像以其圖寫佛容若不覩相欽承泥木一何可貴泥木尚假佛儀僧尼還託

法服無假無託豐伐誰代如愚所見望請循

舊不拜爲定謹議

馭僕寺大夫王思奉永牛玄璋等議狀一首

竊以厲鄉垂範實東國之至人祇園演法乃西方之上聖皆能割慈忍愛絕塵離俗禮者忠信之薄超道德而上馳色爲真相之空遺

形骸而幽積故前王待之外後帝許以不

臣習見生常其來自久頗爲改創恐乖聽矚

且復繻衣非揖拜之徒黃冠異折旋之侶縱

使人非精感不能式景玄風本立道生庶以

漸持真教若浮沉類俗俯仰隨時恐驚領之

第十三七冊

業將虧茨山之風行替變道從儒未見其可
因循勿改竊用爲宜謹議

萬年縣令源誠心等議狀一首

竊以老釋之教雖曰沖玄君父之尊終資嚴
敬況所行化不出寰中義屬在三須遵孔禮
但爲落髮不可加冠法衣不可加帶無冠無
帶拜伏失儀如愚管窺依舊爲允謹議

長安縣尉崔道默等議狀一首

竊惟在三之禮罔極於君親不二之門獨遺
於資事豈不以真俗兩隔孔釋雙分臨之寵

辱既不驚受之髮膚則已毀玄冕與緇裳詭
飾振錫與鏘金殊義足使弱喪知歸行迷識
反今若降其塵外之迹嬰其俗中之事一乘
荼蕪三歸施法尚其道而黜其儀挹其流而
汨其本義非稽古宋不足徵求之愚衷有所
未愜且道之爲道玄之又玄衆妙所歸啓聖
辭屬入關之業可大而不可小居河之訓可
尊而不可卑降纏脣想方弘損益冒進芻詞
伏增戰汗謹議

沛王府長史皇甫公義文學陳至德等議狀

一首

臣聞三教同歸漸頓雖別俱爲助化咸稱勸
善宣尼作訓不拘方外之流大師垂範全捨
寰中之累虛室生白一粒餘資並駕康衢雅
道是務自玄風載偃法雲收族黃冠緇服心
跡不俱皇上愍其忘反式令僉議十六但絕胤冕
頂形之重也擎跪拜伏禮之末也今若捨其
重而檢其末申其道而屈其人恐習俗生常
頗改非易伏望嚴告有司詳加誘進如更因
心靡厝方可寘之形禮輕陳芻管伏深戰懼

謹議

周王府長史源直心參軍元思敬等議狀一
首

釋旨希微理暢有形之表玄宗圓像義軼無
名之外括三才而體要包萬類而窮神真氣
麗闢佇猶龍之西舉法雲彩野馴巨象之東
歸玉洞仙經沖玄羽化金容懿範演聖龍宮
至道難名神功不揣爰自周漢咸著丹青典
于當塗因循不替是知趨玄門者千古崇釋
興若百王剪髮緇裳忽輕肥之美變冠黃服

蔑簪紱之榮莫不志越寰中心遂在外去揖讓之節就戒律之儀施禮樂之規遊虛白之室是以如來祕說絕敬君親縣古洎今無朽茲教教如可廢法亦可刊教捨法存法將安措且甲士不拜豈伍卒之自尊天顏咫尺非一介之云貴並以銜威稟命所以禮棄謙恭拜八
十七況乎延思煙霞解塵俗於羈網警情法界釋怨會於樊籠而使降出俗之容展入家之禮考古恐乖通理論今懼爽彝章議逮芻微故申管見瞻對疎謬悚懼交懷譏議

論曰玄教廢興理鍾斯運而盛衰之寄抑亦人謀皇上御辯乘時允膺付託所以降非常之詔勵釋俗於明時者也春秋傳曰君所謂可而有否焉臣獻其否以成其可君所謂否而有可焉臣獻其可以去其否余聞其語矣今見其人焉觀秀上肆力釋君昌言帝闢詞志欵欵勤則勤矣而宣公之啓狀詳切該博吾無間然方今以大法爲已任思正其僨危能負重道遠者此其人也歟仲尼云顛而不扶危而不持則將焉用彼相矣若此真可謂

德謀無不臧一時風素千載流芳

至覽元首良哉股肱中臺周府等議雖文質
有乖而咸得事要然樞紐經典疇次故實理
例鋒穎詞韻膏腴則司戎之稱鴻筆麗藻矣
若標以顯議約以正詞其文辯潔其事明覈
則左驍衛舉其綱領矣將來達鑒斯焉取斯

集沙門不應拜俗等事卷第四

議不拜下

音釋

荼	<small>敷文頤俱倫疑鄂力切首烏皎切恆女也</small>
惄	<small>切愧惄羊晉切紊亡運切糺邑俱切蹕必</small>
贊	<small>切止行人蹕也曠許羈切復虛政切懵莫靡切</small>
軼	<small>夷質切馴詳道切隕徒同切</small>
鴻	<small>下坐切</small>

讚曰正法既隱像季斯微不有明詰慧日誰
嘗獻可替否飛英萃實詳諸昔賢驗乎茲日
卓犖英秀是振墮綱謇謇宣公承運斯臣衆
議詫詫宏模謌謌蘭菊殊美絲桐間作秦君
鴻筆王生顯議文質舛途忠貞齊懿惟茲盛